



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU TUZLANSKE ALTERNATIVE

Broj: 03-07-6-587/16
Sarajevo, 05.04.2017. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI	5
5.2 PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Tuzlanske alternative za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2015. godinu, utvrđeno je da je Tuzlanska alternativa prekršila odredbe člana 11. i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Tuzlanske alternative za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Tuzlanska alternativa se finansirala iz sljedećih izvora:¹

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	4.754,00	7,82
3.	Prilozi pravnih lica (3-b)	9.702,00	15,96
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	46.337,00	76,22
8.	Prihodi od propagande (3-g)	0,00	0,00
9.	Ostali prihodi	0,00	0,00
I	Ukupni prihodi (1-9)	60.793,00	100,00
II	Kreditno zaduženje kod banaka	0,00	0,00
	Izvori finansiranja (I+II)	60.793,00	100,00

U godišnjem finansijskom izvještaju stranka je iskazala rashode u iznosu od 19.110,00 KM.

2. PREDSTAVLJANJE POLITIČKE STRANKE

Naziv političke stranke: Tuzlanska alternativa. Skraćeni naziv: Tuzlanska alternativa.

Stranka je registrovana kod Općinskog suda u Tuzli, rješenjem broj: 032-0-Reg-13-00251 od 19.03.2013. godine.

Sjedište političke stranke je u Tuzli, ul. ZAVNOBIH-a 15.

Ovlaštena lica za predstavljanje stranke su: Alić Mensur, predsjednik i Velida Mehić, tehnički sekretar.

Lice ovlašteno za finansijske izvještaje za 2015. godinu je Merisa Kušljugić.

Prema podacima iz godišnjeg finansijskog izvještaja za 2015. godinu, Tuzlanska alternativa nema niže nivo organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Tuzlanske alternative za 2015. godinu.

¹ Podaci iz ispravljenog obrasca 3 (izvori finansiranja) godišnjeg finansijskog izvještaja za 2015. godinu, koji je dostavljen 16.11.2016. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Tuzlanske alternative obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola godišnjeg finansijskog izvještaja obavlja se prvi put.

5. NALAZI I PREPORUKE

5.1 NALAZI

Tuzlanska alternativa prekršila je odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne dokumentacije, utvrđeno je da Tuzlanska alternativa nije uspostavila potpune i tačne evidencije o svojim rashodima i obavezama, godišnji finansijski izvještaj nije podnijela u zakonom predviđenom roku i isti nije popunila u skladu sa odredbama Pravilnika o godišnjim finansijskim izvještajima političkih stranaka-u daljnjem tekstu: Pravilnik, čime su prekršene odredbe člana 11. i člana 12. stav (1) i stav (3)² Zakona o finansiranju političkih stranaka.

- Uvidom u službene evidencije, utvrđeno je da je Tuzlanska alternativa godišnji finansijski izvještaj za 2015. godinu dostavila dana 18.05.2016. godine, tj. nakon zakonom propisanog roka.
- Stranka je na obrascu 3 (izvori finansiranja) i obrascu 3-b finansijskog izvještaja iskazala prihode po osnovu refundacije bolovanja za svog zaposlenika u iznosu od 9.702,00 KM kao priloge pravnih lica.
S obzirom da prihodi po osnovu refundacije bolovanja ne predstavljaju donaciju, nego spadaju u ostale prihode, stranka je prekršila odredbe člana 13. i člana 15. Pravilnika
- Na osnovu podataka koje je dostavio Grad Tuzla, utvrđeno je da je stranka nije iskazala troškove zakupa poslovnog prostora za decembar 2015. godine u iznosu od 35,87 KM, odnosno da nije iskazala obaveze prema zakupodavcu Grad Tuzla na dan 31.12.2015. godine u iznosu od 35,87 KM.
- Uvidom u poslovne knjige, utvrđeno je da stranka ima neizmirene obaveze prema Hotelu Tuzla na dan 31.12.2015. godine u iznosu od 85,47 KM. Na obrascu 5 (obaveze političke stranke) finansijskog izvještaja stranka nije iskazala navedenu obavezu, čime je prekršila odredbe člana 24. Pravilnika.

² U skladu sa odredbom člana 12. stav (3) Zakona o finansiranju političkih stranaka („Službeni glasnik BiH“ broj: 95/12), stranka je obavezna podnositi finansijski izvještaj do 31. marta naredne godine, u formi koju odobri Centralna izborna komisija Bosne i Hercegovine. Sadržaj, forma, način i drugi detalji izvještavanja uređeni su Pravilnikom o godišnjim finansijskim izvještajima političkih stranaka („Službeni glasnik BiH“ broj 96/13).

5.2 PREPORUKE

Preporučuje se Tuzlanskoj alternativi da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi potpune evidencije o svojim rashodima i obavezama i*
- *da finansijski izvještaj podnosi u roku propisanom Zakonom o finansiranju političkih stranaka i popunjava u skladu sa odredbama Pravilnika o godišnjim finasijskim izvještajima političkih stranaka.*

KOMENTAR

U ostavljenom roku, Tuzlanska alternativa očitovala se na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2015. godinu. Stranka uz primjedbe nije dostavila dodatne dokaze i nije otklonila nedostatke u godišnjem finansijskom izvještaju, te Služba za reviziju nije mogla uvažiti date primjedbe.

šef Odsjeka za revizijske poslove

Sanja Tošović

Revizor

Nevenko Andan

šef Službe za reviziju

Mr. sc. Hasida Gušić